

Пастдаргом туман давлат
Хизматлари маркази томонидан кийинги
руйхатга олинди

“ 8” сентябрь 2019 йилда № 0016



“ТАСДИКЛАНГАН”

“Жума элеватори” АЖнинг 2019 йил
18” сентябрда Акциядорларнинг умумий
Ў-сон баённомаси билан



**“JUMA ELEVATORI”
AKSIYADORLIK JAMIYATINING
USTAVI
(янги тахрир)**

Жума шаҳри

I. Жамиятнинг тулик ва қисқартма номи, жойлашган манзили, ҳуқуқий ҳолати.



1.1. Тулик номи: “Juma elevatori” aksiyadorlik jamiyati;
қисқартирилган номи - “Juma elevatori” AJ.

Жойлашган манзили (почта манзилгохи): 140133 Ўзбекистон Республикаси, Жума шаҳри, Фитрат кучаси, 2-уй.

Жамият сайти www.jumaelevatori.uz., электрон почта манзили: jumadon@mail.ru;

1.2. Акциядорлик жамиятини тўзиш, унинг фаолияти ва уни тугатиш, акциядорларнинг ҳуқуқларини ҳимоя қилиш билан боғлиқ муносабатлар Ўзбекистон Республикасининг «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонуни, Ўзбекистон Республикасининг бошқа қонунлари ва мазкур Устав билан тартибга солинади.

1.3. Жамият юридик шахс бўлиб, у ўз мустақил балансида ҳисобга олинган алоҳида мол-мулкка, шу жумладан ўзининг устав фондига (устав капиталига) берилган мол-мулкка эга бўлади, ўз номидан мулкӣ ва шахсий номулкӣ ҳуқуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин. Жамият давлат рўйхатидан ўтказилган пайтдан эътиборан юридик шахс мақомига эга бўлади. Жамият, чекланмаган муддатга тўзилади.

1.4. Жамият Ўзбекистон Республикаси ҳудудида ва ундан ташқарида банк ҳисоб варақлари очишга ҳақлидир. Жамият ўзининг ташкилий-ҳуқуқӣ шакли кўрсатилган тулик фирма номига эга бўлади ва қисқартирилган фирма номига эга бўлиши мумкин. Жамият ўзининг фирма номи давлат тилида тулик ёзилган ҳамда жойлашган ери кўрсатилган юмалок муҳрга эга бўлиши лозим. Муҳрда бир вақтнинг ўзида фирманинг номи бошқа исталган тилда ҳам кўрсатилиши мумкин. Жамият ўзининг номи ёзилган штамп ва бланкаларга, ўз тимсолига, шунингдек белгиланган тартибда рўйхатдан ўтказилган товар белгисига ҳамда фуқаролик муомаласи иштирокчиларининг, товарларнинг, ишларнинг ва хизматларнинг хусусий аломатларини акс эттирувчи бошқа воситаларга эга бўлишга ҳақли.

1.5. Жамиятнинг жойлашган ери, у давлат рўйхатидан ўтказилган жойга кўра белгиланади. Жамият у билан алоқа амалга ошириладиган почта манзилига ва электрон почта манзилига эга бўлиши лозим.

1.6. “Juma elevatori” AJ, бундан буён “Жамият”, Ўзбекистон Республикаси Президентининг 22 апрел 1994 йилдаги “Ўздонмахсулот” Давлат Концернини “Ўздонмахсулот” Давлат Акциядорлик Корпорациясига қайта тўзиш тўғрисида”ги ПФ-840-сонли Фармони ва Ўзбекистон Республикаси Давлат мулкни бошқариш ва тадбиркорликни қўллаб қувватлаш қўмитасининг 1995 йил 27 апрелдаги 123-к-ПО-сонли қарорига асосан давлат мулкнинг қайта тўзилиши натижасида ташкил қилинган.

1.7. Жамият ўз мажбуриятлари юзасидан ўзига тегишли барча мол-мулк билан жавобгар бўлади.

II. Фаолиятининг соҳаси (асосий йўналишлари) ва мақсади

2.1. Акциядорлик жамиятини тўзиш, унинг фаолияти ва уни тугатиш, акциядорларнинг ҳуқуқларини ҳимоя қилиш билан боғлиқ муносабатлар Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги қонуни, Ўзбекистон Республикасининг бошқа қонунлари ва мазкур Устав билан тартибга солинади.

2.2. Жамият уз мақсадларига эришиш учун фаолият ва хизмат курсатишининг қўйидаги турларини амалга оширади:

- Ун маҳсулотлари, нон маҳсулотлари, кондитер маҳсулотлари, магарон маҳсулотлари, халқ истеъмол молларини ишлаб чиқариш ва сотиш (етказиб бериш) турли корхона, ташкилот ва фуқароларга турли хизматлар курсатиш;

- Қишлоқ хўжалиги корхоналари ва шахсий томорқа хўжаликларига етказиб берилган дон маҳсулотларни қабул қилиш, сақлаш ва қайта ишлаш;

- Ғалла экинлар донини тайёрлаш ва экиш учун қишлоқ хўжалиги корхоналари ва шахсий томорқа хўжаликларига етказиб бериш;

- Омукта ем ишлаб чиқариш ва сотиш;

- Қишлоқ хўжалик маҳсулотларини ишлаб чиқариш, харид қилиш, сақлаш, қайта ишлов бериш, қадоқлаш ва сотиш;

- Чорвачилик ва паррандачилик фаолияти, чорва ва парранда устириш ва сотиш;

- Ишлаб чиқарувчи ва истеъмолчилар билан бевосита ўзаро фойдали алоқаларни ўрнатиш ва ривожлантириш, тижорат-воситачилик хизматларни амалга ошириш;

- Ўзбекистон Республикаси амалдаги қонунчилиги билан белгиланган тартибда ташқи иқтисодий фаолиятни амалга ошириш;

- Ўзбекистон Республикаси амалдаги қонунчилиги билан ман этилмаган бошқа фаолият турлари билан шугулланиш;

Бундан ташқари қонунчиликда белгиланган бошқа фаолият турларини ўрнатилган тартибда амалга ошириши мумкин.

2.3. Жамиятнинг асосий мақсади жамиятнинг умум хўжалик фаолиятидан фойда олиш ҳисобланади.

2.4. Шуғулланиш учун махсус рухсатномалар (лицензия) талаб этиладиган фаолият турлари Жамият томонидан фақат керакли хужжатларни олгандан сўнгина амалга оширилади.

Ш. Устав фондининг (устав капиталининг) миқдори, жамият акцияларининг сони, номинал қиймати. Жамиятнинг устав капиталини кўпайтириш ва камайтириш

3.1. Жамиятнинг устав фонди (устав капитали) акциядорлар олган жамият акцияларининг номинал қийматидан ташкил топади ва Ўзбекистон Республикасининг миллий валютасида ифодаланади.

3.2. Жамиятнинг устав фонди (устав капитали) жамият мол-мулкнинг жамият кредиторлари манфаатларини кафолатлайдиган энг кам миқдорини белгилайди.

3.3. Мазкур уставни рўйхатдан ўтказиш пайтига Жамият томонидан умумий қиймати 826 814 000 (саккиз юз йигирма олти миллион саккиз юз ун тўрт минг) сўмга тенг бўлган 418 640 (тўрт юз ун саккиз минг олти юз кўч) донга оддий акциялар чиқарилган ва жойлаштирилган бўлиб, акция номинал қиймати 1975 сўм.

3.4. Жамиятнинг устав капитали акциялар номинал қийматини ошириш ёки қўшимча акцияларни жойлаштириш йўли билан кўпайтирилиши мумкин. Қўшимча акциялар Жамият томонидан ушбу уставда белгиланган эълон қилинган акциялар сони доирасидагина жойлаштирилади.



3.5. Жамият устав капиталини ошириш мақсадида жойлаштирилган акцияларига қўшимча равишда чиқариши мумкин бўлган эълон қилинган акциялари миқдори — номинал қиймати 1975 сўм бўлган 418 640 дона оддий акциялардан иборат.

3.6. Қўшимча акцияларни жойлаштириш йўли билан кўпайтириш тўғрисидаги қарорда жойлаштириладиган қўшимча акцияларнинг умумий қиймати, сони, тури, номинал қиймати, жойлаштириш тартиби, усули, муддати, жойлаштириш (акцияларнинг биржа ва уюшган биржадан ташқари бозорига чиқариш) нархи, акциялар учун тўлов тартиби, амалга ошмаган деб топиш, улуши ва амалга ошмаган деб топилган тақдирда акциялар учун қабул қилинган тўлов воситаларини қайтариш тартиби белгиланади.

3.7. Қўшимча чиқарилаётган акциялар очик обуна усули билан белгиланган тартибда фуқаролик-ҳуқуқий битимлар тўзиш йўли билан биржа ёки биржадан ташқари уюшган бозорда жойлаштирилади.

3.8. Акцияларни жойлаштириш, шу жумладан акциядорлар ўртасида жойлаштириш тўғрисида қарор қабул қилишда акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархи жамият акциядорларининг умумий йиғилиши ёки кўзатув кенгаши томонидан, агар жамият уставига ёки акциядорларнинг умумий йиғилиши қарорига мувофиқ кўзатув кенгашига бундай ваколат берилган бўлса, қимматли қоғозлар савдоси ташкилотчиларининг савдо майдончаларида вужудга келаётган нархлар конъюнктурасидан келиб чиққан ҳолда белгиланади, лекин номинал қийматидан кам бўлмаган қийматда жойлаштирилади.

Жамиятнинг қўшимча акциялари ва бошқа қимматли қоғозларини жойлаштириш чоғида уларга ҳақ тўлаш уларни чиқариш тўғрисидаги қарорда белгиланганидан кам бўлмаган нарх бўйича амалга оширилади.

3.9. Жамиятнинг акциялари ва бошқа қимматли қоғозларини жойлаштириш чоғида уларга ҳақ тўлаш пул ва бошқа тўлов воситалари, мол-мулк, шунингдек пулда ифодаланадиган баҳога эга бўлган ҳуқуқлар (шу жумладан мулкӣ ҳуқуқлар) орқали амалга оширилади. Жамиятни таъсис этиш чоғида унинг акцияларига ҳақ тўлаш тартиби жамиятни ташкил этиш тўғрисидаги таъсис шартномасида (ўзгартириш тўғрисидаги қарорда) ёки жамият уставида, қўшимча акциялар ва бошқа қимматли қоғозларга ҳақ тўлаш эса, уларни чиқариш тўғрисидаги қарорда белгилаб қўйилади.

3.10. Жамиятнинг устав капитални акцияларнинг номинал қийматини камайтириш ёки акцияларнинг умумий сонини қисқартириш йўли билан камайтирилиши мумкин.

3.11. Агар устав капиталини камайтириш натижасида унинг миқдори конун ҳужжатларида белгиланган энг кам миқдоридан камайиб кетса, Жамият устав капиталини камайтиришга ҳақли эмас.

3.12. Устав капиталини камайтириш тўғрисида қарор қабул қилган вақтда акциядорларнинг умумий йиғилиши устав капитални камайтириш сабабларини кўрсатади ва уни камайтириш тартибини белгилайди.

IV. Жамият акцияларининг турлари ва улар бўйича дивидендлар тўлаш тартиби.

4.1. Жамиятнинг акциялари оддий ва имтиёзли бўлиб, эмиссиявий қимматли қоғозлар ҳисобланади.



4.2. Жамият имтиёзли акциялари уз эгаларига хар йили акцияларнинг номинал кийматининг 25 фоизи миқдориди дивиденд олиш ҳуқуқини беради.

4.3. Имтиёзли акциялар эгалари жамият тугатилган тақдирда унинг молликлари тақсимланаётган пайтда оддий акция эгалари уртасида мулк тақсими ва шартли бўлигунга қадар уз акцияларининг номинал қийматини оладилар.

4.4. Жамият ўзи жойлаштирган имтиёзли акцияларни олиш нархларининг бозор қийматига мувофиқ белгиланади.

4.5. Дивиденд акциядорларнинг умумий йиғилиши қарорига кўра пул маблағлари ёки бошқа қонуний тулов воситалари ёхуд жамиятнинг қимматли қоғозлари билан тўланиши мумкин.

4.6. Жамиятнинг имтиёзли акциялари бўйича дивидендларни қимматли қоғозлар билан тўлашга йўл қўйилмайди.

4.7. Дивиденд акциядорлар уртасида уларга тегишли акцияларнинг сони ва турига муносабат равишда тақсимланади.

4.8. Жамият молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра жойлаштирилган акциялар бўйича дивидендлар тўлаш тўғрисида қарор қабул қилишга ҳақли. Жамиятнинг молиявий йилнинг биринчи чораги, ярим йиллиги ва тўққиз ойи натижаларига кўра дивидендлар тўлаш тўғрисидаги қарори тегишли давр тугагандан кейин уч ой ичида қабул қилиниши мумкин.

4.9. Акцияларнинг хар бир тури бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор жамият кўзатув кенгашининг тавсияси, молиявий ҳисоботнинг ишончлилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида акциядорларнинг умумий йиғилиши томонидан қабул қилинади.

4.10. Дивидендлар тўлаш тўғрисидаги қарорда дивидендлар тўлаш бошланадиган ва тугалланадиган саналар кўрсатилган бўлиши лозим. Дивидендларни тўлаш муддати ва тартиби акциядорларнинг умумий йиғилиши қарориди белгиланади. Дивидендларни тўлаш муддати шундай қарор қабул қилинган кундан эътиборан олтимиш кундан кеч бўлмаслиги лозим.

V. Жамиятнинг захира фонди

5.1. Жамият соф фойда ҳисобидан захира фондини ҳамда акциядорларнинг умумий йиғилишида аниқланадиган, жамият фаолияти учун зарур бўлган бошқа фондларни ташкил этади.

5.2. Жамиятнинг захира фонди, бошқа маблағлар мавжуд бўлмаган тақдирда, жамиятнинг зарарлари урнини қоплаш, жамиятнинг корпоратив облигацияларини муомаладан чиқариш, имтиёзли акциялар бўйича дивидендлар тўлаш ва жамиятнинг акцияларини қайтариб сотиб олиш учун мулжалланади. Захира фондидан бошқа мақсадларда фойдаланиш мумкин эмас.

5.3. Жамият устав капиталининг 15 фоиз миқдорда жамият захира фонди тўзилади.

5.4. Жамият захира фондига ушбу уставнинг 5.3-бандида белгиланган миқдорга етгунига қадар хар йили соф фойдадан 5 фоиз миқдориди ажратмалар утказилади.

5.5. Захира фонди тўлалигича ёки қисман сарфланиб бўлган ҳолларида, мажбурий ажратмалардан тикланади.

VI. Жамият бошқарувининг тўзилмаси



II. Жамиятнинг бошқарув органлари.

7.1. Акциядорларнинг умумий йиғилиши, қўзғатув кенгаши ва ижроия органи жамиятнинг бошқарув органларидир.

7.2. Акциядорларнинг умумий йиғилиши жамиятнинг юкори бошқарув органидир.

7.3. Жамиятнинг қўзғатув кенгаши жамият фаолиятига умумий раҳбарликни амалга оширади, ушбу Қонун ва жамият устави билан акциядорлар умумий йиғилишининг ваколат доирасига киритилган масалаларни ҳал этиш бундан мустасно.

7.4. Жамиятнинг ижроия органи жамиятнинг кундалик фаолиятига раҳбарлик қилувчи, акциядорлар умумий йиғилиши ва қўзғатув кенгашининг қарорлари бажарилишини ташкил этувчи орган.

VIII. Акциядорларнинг умумий йиғилиши

8.1. Жамият ҳар йили акциядорларнинг умумий йиғилишини (акциядорларнинг йиллик умумий йиғилишини) ўтказиши шарт.

8.2. Акциядорларнинг йиллик умумий йиғилиши молия йили тугаганидан кейин олти ойдан кечиктирмай ўтказилади. Акциядорларнинг йиллик умумий йиғилишида жамиятнинг қўзғатув кенгашини ва тафтиш комиссиясини (тафтишчисини) сайлаш тўғрисидаги, жамиятнинг йиллик ҳисоботи ва бошқа ҳужжатлари кўриб чиқилади.

8.3. Акциядорларнинг йиллик умумий йиғилишидан ташқари ўтказиладиган умумий йиғилишлари навбатдан ташқари йиғилишлардир.

8.4. Акциядорларнинг умумий йиғилишини ўтказиш саваси ва тартиби, йиғилиш ўтказилиши ҳақида акциядорларга хабар бериш тартиби, акциядорларнинг умумий йиғилишини ўтказишга тайёргарлик вақтида акциядорларга бериладиган материалларнинг (ахборотнинг) рўйхати жамиятнинг қўзғатув кенгаши томонидан белгиланади.

8.5. Акциядорлар умумий йиғилишининг ваколат доирасига кўшиқчалар киратиши:

жамият уставига ўзгартириш ва қўшимчалар киритиш билан жамиятнинг тахрирдаги уставини тасдиқлаш;

жамиятни қайта ташкил этиш;

жамиятни тугатиш, тугатувчини (тугатиш комиссиясини) тайинлаш ҳамда оралик ва якуний тугатиш балансларини тасдиқлаш;

жамият кўзатув кенгашининг ва миноритар акциядорлар кумитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;

эълон қилинган акцияларнинг энг кун миқдорини белгилаш;

жамиятнинг устав фондиди (устав капиталини) камайтириш

ўз акцияларини олиш;

жамиятнинг ташкилий тузилмасини тасдиқлаш;

жамият тафтишчисини сайлаш ва унинг ваколатини муддатидан илгари тугатиш, шунингдек тафтишчи туғрисидаги низомни тасдиқлаш;

жамиятнинг йиллик ҳисоботини тасдиқлаш;

жамиятнинг фойдаси ва зарарларини тақсимлаш;

жамият кўзатув кенгашининг ва тафтишчисининг ўз ваколат доирасига киратилган масалалар юзасидан, шу жумладан жамиятни бошқаришга дойр қонун ҳужжатларида белгиланган талабларга риоя этилиши юзасидан жамият кўзатув кенгашининг ҳисоботларини ва тафтишчисининг хулосаларини эшитиш;

имтиёзли ҳуқуқни қўлламаслик туғрисида қарорни қабул қилиш;

акциядорлар умумий йиғилишининг регламентини тасдиқлаш;

акцияларни майдалаш ва йириклаштириш;

ҳуқуқларини ҳимоя қилиш қонунчилиқда назарда тутилган ҳолларда жамият томонидан битимлар тузиш туғрисида қарор қабул қилиш;

қонун ҳужжатларига мувофиқ бошқа масалаларни ҳал этиш.

Акциядорлар умумий йиғилишининг ваколат доирасига киритилган масалалар жамиятнинг ижроия органи ҳал қилиши учун берилиши мумкин эмас.

Акциядорлар умумий йиғилишининг ваколат доирасига киритилган масалалар жамиятнинг кўзатув кенгаши ҳал қилиши учун берилиши мумкин эмас.

8.6. Жамият овоз берувчи акцияларининг ҳаммаси бўлиб камида бир фонзига эгаллик қилувчи акциядорлар (акциядор) жамиятнинг молия йили тугаганидан кейин ўттиз кундан кечиктирмай, акциядорларнинг йиллик умумий йиғилиши кун тартибига масалалар киритишга ҳамда жамият кўзатув кенгаши ва тафтишчилигига бу органининг миқдор таркибидан ошмайдиган тарзда номзодлар курсатишга ҳақли. Акциядорлар умумий йиғилишининг кун тартибига масала уни қўйиш сабаблари, масалани киритаётган акциядорларнинг (акциядорнинг) исми-шарифи (номи), уларга тегишли акцияларнинг сони ва тури курсатилган ҳолда ёзма шаклда киритилади.

8.7. Акциядорларнинг умумий йиғилишини ўтказишга тайёргарлик қўрилаётганда жамиятнинг кўзатув кенгаши қонунчиликка асосан умумий йиғилишни чакирувчи шахслар қуйидагиларни белгилайди:

умумий йиғилиш ўтказиладиган сана, вақт ва жойни;

умумий йиғилишнинг кун тартибини;

умумий йиғилиш ўтказиш учун жамият акциядорларининг реестри шакллантириладиган санани;

умумий йиғилиш ўтказилиши хақида акциядорларга ва давлат вакилига хабар қилиш тартибини;

умумий йиғилишни ўтказишга тайёргарлик қўрилаётганда акциядорларга ва давлат вакилига тақдим этиладиган ахборот (материаллар) руйхатини;

овоз бериш бюллетенининг шакли ва матнини.

Аниқ масала қўйилишини ақс эттирмайдиган таърифларнинг («турли масалалар», «бошқа масалалар», «узга масалалар» ва «бир таърифларнинг») акциядорларнинг умумий йиғилиши кун тартибига киритилмайди.

8.8. Овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кўзатув кенгаши томонидан санок комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланади. Санок комиссияси таркибига жамият кўзатув кенгашининг аъзолари, тафтишчиси, жамият раиси, шунингдек ана шу лавозимларга номзоди курсатилган шахслар кириши мумкин эмас. Санок комиссияси акциядорларнинг умумий йиғилишида кворум бор ёки йўқлигини аниқлайди, умумий йиғилишда овоз бериш ҳуқуқларининг акциядорлар (уларнинг вакиллари) томонидан амалга оширилиши муносабати билан юзага келадиган масалаларни тушунтиради, овозга қўйиладиган масалалар бўйича овоз бериш тартибини тушунтиради, овоз беришнинг белгиланган тартиби ва акциядорларнинг овоз беришда иштирок этиш ҳуқуқларини таъминлайди, овозларни санаб чиқади ва овоз бериш яқунларини чиқаради, овоз бериш яқунлари тўғрисида баённома тузади.

8.9. Акциядорларнинг умумий йиғилишида кун тартиби масалалари бўйича овоз бериш овоз бериш бюллетенлари орқали амалга оширилади. Акциядорларнинг умумий йиғилишида овоз бериш «жамиятнинг овоз берувчи битта акцияси — битта овоз» принципи бўйича амалга оширилади, жамиятнинг кўзатув кенгаши аъзоларини сайлаш бўйича кумулятив овоз беришни ўтказиш ҳоллари бундан мустасно. Овоз бериш бюллетенларининг шакли ва матни жамиятнинг кўзатув кенгаши томонидан тасдиқланади, акциядорларнинг навбатдан ташқари умумий йиғилиши жамият кўзатув кенгаши томонидан қақирилмаган ҳоллар бундан мустасно. Овоз бериш бюллетени умумий йиғилишда иштирок этиш учун рўйхатдан ўтган акциядорга (унинг вакилига) берилди.

8.10. Овоз бериш яқунлари бўйича санок комиссияси овоз бериш яқунлари тўғрисида баённома тузади, баённома жумладан акциядорлар умумий йиғилишининг кворуми мавжудлиги тўғрисидаги маълумотларни ҳам ўз ичига олади ва санок комиссиясининг аъзолари томонидан имзоланади. Овоз бериш яқунлари акциядорларнинг овоз бериш ўтказилган умумий йиғилишида ўқиб эшиттирилади, шунингдек акциядорларнинг умумий йиғилиши ёпилганидан кейин овоз бериш яқунлари тўғрисидаги ҳисоботни эълон қилиш орқали акциядорлар эътиборига етказилади. Овоз бериш яқунлари тўғрисида баённома тузилганидан ва акциядорлар умумий йиғилишининг баённомаси имзоланганидан кейин овоз бериш бюллетенлари санок комиссияси томонидан муҳрланади ҳамда саклаб қўйиш учун жамиятнинг архивига топширилади. Овоз бериш яқунлари тўғрисидаги баённома акциядорлар умумий йиғилишининг баённомасига қўшиб қўйилиши лозим.

8.11. Акциядорлар умумий йиғилишининг баённомаси акциядорларнинг умумий йиғилиши ёпилганидан кейин ўн кундан кечиктирмай умумий йиғилиш котиби икки нусхада тузади. Ҳар иккала нусха ҳам умумий йиғилишда панелик килувчи ва умумий йиғилиш котиби томонидан имзоланади.

Акциядорлар умумий йиғилишининг баённомасида:

акциядорларнинг умумий йиғилиши ўтказилган сана, вақт ва жой;

жамиятнинг овоз берувчи акцияларига эгаллик килувчи акциядорлар эга бўлган овозларнинг умумий сони;

умумий йиғилишда иштирок этган акциядорлар эга бўлган овозларнинг сони;

умумий йиғилишнинг раиси ва котиби, йиғилиш кун тартиби курсатилади.

Акциядорлар умумий йиғилишининг баённомасида маърузалардан яссий қоидалари, овозга қўйилган масалалар ҳамда улар юзасидан ўтказилган қарорларнинг яқунлари. Йиғилиш қабул қилган қарорлар кўрсатилиши лозим.



IX. Жамиятнинг кўзатув кенгаши

9.1. Жамиятнинг кўзатув кенгаши жамият фаолиятига умумий раҳбарликни амалга оширади, ушбу Қонун ва жамият устави билан акциядорлар умумий йиғилишининг ваколат доирасига киритилган масалаларни ҳал этиш бундан мустасно.

9.2. Акциядорлар умумий йиғилишининг қарорига кўра жамият кўзатув кенгашининг аъзоларига улар ўз вазифаларини бажариб турган давр учун ҳақ тўланиши ва кўзатув кенгашининг аъзоси вазифаларини бажариш билан боғлиқ харажатлари қопланади. Бундай ҳақ ва тўловларнинг миқдорлари акциядорларнинг умумий йиғилиши қарори билан «Кўзатув кенгаши тўғрисида»ги низомда белгилаб қўйилади.

9.3 Жамият кўзатув кенгашининг ваколат доирасига қўйидагилар қиради:

- жамият фаолиятининг устувор йўналишларини белгилаш;

- акциядорларнинг йиллик ва навбатдан ташқари умумий йиғилишларини чақириш;

- акциядорлар умумий йиғилишининг кун тартибини тайёрлаш;

- акциядорларнинг умумий йиғилиши ўтказиладиган сана, вақт ва жойни белгилаш;

- акциядорларнинг умумий йиғилиши ўтказилиши ҳақида хабар қилиш учун жамият акциядорларининг реестрини шакллантириш санасини белгилаш;

- “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Ўзбекистан Республикаси Қонунининг 59-моддаси биринчи қисмининг иккинчи хатбошисидан назарда тутилган масалаларни акциядорларнинг умумий йиғилиши ҳал қилиши учун киритиш;

- мол-мулкнинг бозор қийматини белгилашни ташкил этиш;

- корпоратив маслаҳатчини тайинлаш ва унинг фаолияти тартибини белгиловчи низомни тасдиқлаш, агар жамият уставида бундай лавозимни жорий этиш назарда тутилган бўлса;

- ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисоботларини эшитиб бориш;

- жамият ижроия органининг фаолиятига дахлдор ҳар қандай ҳужжатлардан эркин фойдаланиш ва жамият кўзатув кенгаши зиммасига юклатилган вазифаларни бажариш учун бу ҳужжатларни ижроия органидан олиш. Жамият кўзатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;

- аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш;

- жамиятнинг тафтиш комиссияси аъзоларига (тафтишчисига) тўладаниган ҳақ ва компенсацияларнинг миқдорлари юзасидан тавсиялар бериш;

- дивиденд миқдори, уни тўлаш шакли ва тартиби юзасидан тавсиялар бериш;

- жамиятнинг захира фондидан ва бошқа фондларидан фойдаланиш;

- жамиятнинг филиалларини ташкил этиш ва ваколатхоналарини очиш;

- жамиятнинг шубҳа ва тобе ҳужалик жамиятларини ташкил этиш;

- “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Ўзбекистан Республикаси Қонунининг назарда тутилган ҳолларда битимлар тузиш ҳақида қарор қабул қилиш;

жамиятнинг тижорат ва нотижорат ташкилотлардаги иштироки билан боғлиқ битимларни конун ҳужжатларида белгиланган тартибда тузиш;

жамиятнинг корпоратив облигацияларини қайтариб сотиб олиш тўғрисида қарор қабул қилиш;

жамиятнинг устав фондини (устав капиталини) қупайтириш маъносини, шунингдек жамият уставига жамиятнинг устав фондини (устав капиталини) қупайтириш билан боғлиқ ўзгартириш ва қўшимчалар киритиш тўғрисидаги масалаларни ҳал қилиш;

эмиссион қимматли қоғозлар чиқариш қарори ва эмиссия рисоласини тасдиқлаш;

аввал давлат рўйхатига олинган қимматли қоғозлар чиқариш қарори ва эмиссия рисоласига ўзгартиришлар киритиш;

жамият томонидан корпоратив облигациялар, шу жумладан акцияларга айрбошланадиган облигациялар чиқариш тўғрисида қарор қабул қилиш;

қимматли қоғозларнинг ҳосилаларини чиқариш тўғрисида қарор қабул қилиш;

жамиятнинг корпоратив облигацияларини қайтариб сотиб олиш тўғрисида қарор қабул қилиш;

жамиятнинг ижроия органини раисини сайлаш (тайинлаш), унинг ваколатларини муддатидан илгари тугатиш;

ижроия органига туланадиган ҳақ ва компенсацияларнинг миқдорларини белгилаш;

жамиятнинг йиллик бизнес-режасини тасдиқлаш.

Жамият қўзатув кенгашининг ваколат доирасига Ўзбекистон Республикасининг "Акциядорлик жамиялари ва акциядорларнинг ҳуқуқларини ҳимоя қилиш тўғрисида"ги Қонун ва жамият "Қўзатув Кенгаши" тўғрисидаги низомга мувофиқ бошқа масалаларни ҳал этиш ҳам киритилиши мумкин.

Жамият қўзатув кенгашининг ваколат доирасига киритилган масалалар ҳал қилиш учун жамиятнинг ижроия органига ўтказилиши мумкин эмас.

9.4. Жамият қўзатув кенгашининг аъзолари акциядорларнинг умумий йиғилиши томонидан бир йил муддатга сайланади. Жамият қўзатув кенгашининг миқдор таркиби 7 кишидан иборат. Жамиятнинг қўзатув кенгаши аъзолари сайлови кумулятив овоз бериш орқали амалга оширилади.

9.5. Жамият қўзатув кенгашининг раиси ва котиби, қўзатув кенгаши аъзоларининг умумий сонига нисбатан қўпчилик овоз билан, ушбу кенгаш таркибидан қўзатув кенгаши аъзолари томонидан сайланади. Жамиятнинг қўзатув кенгаши, ўз раисини ва котибини қўзатув кенгаши аъзоларининг умумий сонига нисбатан қўпчилик овоз билан қайта сайлашга ҳақли.

9.6. Жамият қўзатув кенгашининг раиси унинг ишйни ташкил этади, қўзатув кенгаши мажлисларини чақиради ва уларда раислик қилади, мажлисларда баённома юритилишини ташкил этади, агар жамият уставида узгача қоида назарда тутилмаган бўлса, акциядорларнинг умумий йиғилишида раислик қилади. Жамият қўзатув кенгашининг раиси бўлмаган тақдирда унинг вазифасини қўзатув кенгашининг аъзоларидан бири амалга оширади.

9.7. Жамият қўзатув кенгашининг мажлисини чақариш ва ўтказиш тартиби:

жамият қўзатув кенгашининг мажлиси қўзатув кенгашининг раиси томонидан унинг ўз ташаббусига кўра, жамият қўзатув кенгаши, тафтишчисининг, раисининг жамият овоз берувчи акцияларининг ҳаммаси бўлиб камида 5 % эгаллик қилувчи акциядорлар (акциядор) талабига кўра чақирилади.

жамият қўзатув кенгашининг мажлиси вазиятга қараб, лекин ҳар чоракда камида бир марта чақирилади. Қўзатув кенгашининг мажлисида қўзатув кенгаши

аъзолари, кўзатув кенгаши томонидан таклиф килинганлар; тафтишчи, жамият бошқаруви раиси, жамият овоз берувчи акцияларининг камиди 2%га эришган акциядор (акциядорлар) ва бошқа шахслар катнашиши мумкин.

- кўзатув кенгаши мажлисида жамият фаолиятига умумий раҳбарликка тегишли масалалар ва Ўзбекистон Республикасининг "Акциядорлик жамиятлари ва акциядорлар ҳуқуқларини ҳимоя қилиш тўғрисида"ги Қонуни шунингдек ушунга асосан кўзатув кенгаши ваколатларига кирадиган масалалар ҳал қилинади. Жамиятнинг ижроия органи кўзатув кенгаши мажлисини ўтказишга тайёргарлик куриш жараёнида барча ҳужжатларни (маълумотларни) тайёрлайди ва такдим этади.

- Жамият кўзатув кенгаши ҳар чоракда тинглайди:

1) яқка тартибдаги ижроия органининг жамият молиявий-ҳужалик фаолияти ва бизнес-режасини бажарилиш тўғрисидаги ҳисоботини;

2) жамиятда аффилиланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва жамият ички ҳужжатларининг бундай битимларни тузишга дойр талабларига риоя қилиниши тўғрисидаги тафтишчи хулосасини;

3) жамият ички аудит хизматининг бухгалтерия ҳисоби ва молиявий ҳисоботларда ақс эттирилган маълумотларнинг тўғри юритилиши, ижроия органи томонидан қонунчиликка, таъсис ва бошқа ҳужжатларга риоя этилаётганлиги, ҳужалик фаолиятини юритишда ўрнатилган тамойил, қоидаларининг тулиқлигини таъминланганлиги, активларнинг сақланганлиги, ҳамда жамиятни бошқаришда қонунчиликда ўрнатилган талабларга риоя этилиши тўғрисидаги ҳисоботларни тинглайди ҳамда такдим қилинган ҳисоботларга асосан ҳисобот давридаги ижроия органининг фаолиятини баҳолайди ва тегишли қарорлар қабул қилади.

- Жамият кўзатув кенгашининг мажлисини ўтказиш учун қворум жамият кўзатув кенгашига сайланган аъзоларнинг олтмиш беш фоизидан кам бўлмаслиги керак. Жамият кўзатув кенгаши аъзоларининг сони жамият уставида назарда тутилган миқдорнинг етмиш беш фоизидан кам бўлган тақдирда, жамият кўзатув кенгашининг янги таркибини сайлаш учун акциядорларнинг навбатдан ташқари умумий йиғилишини чақириши шарт. Кўзатув кенгашининг қолган аъзолари акциядорларнинг бундай навбатдан ташқари умумий йиғилишини чақириш тўғрисида қарор қабул қилишга, шунингдек жамият ижроия органи раҳбарининг ваколатлари муддатидан янаги тугатилган тақдирда, унинг вазифасини вақтинча бажарувчини тайинлашга ҳақлидир.

- Жамият кўзатув кенгашининг мажлисида қабул қилинадиган қарорлар, мажлисида ҳозир бўлганларнинг оддий кўпчилик овози билан қабул қилинади. Жамият кўзатув кенгашининг мажлисида масалалар ҳал этилаётганда кўзатув кенгашининг ҳар бир аъзоси битта овозга эга бўлади. Ўзбекистон Республикасининг "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги Қонуни 18-моддасининг иккинчи ва тўртинчи қисмларида, 30, 84, 88-моддаларида кўрсатилган масалалар бўйича қарор жамият кўзатув кенгаши томонидан бир овоздан қабул қилинади. Жамият кўзатув кенгашининг бир аъзоси ўз овозини кўзатув кенгашининг бошқа аъзосига беришига йўл қўйилмайди. Жамият уставида жамият кўзатув кенгаши аъзоларининг овозлари тенг бўлган тақдирда кўзатув кенгаши томонидан қарор қабул қилинишида жамият кўзатув кенгаши раисининг ҳал қилувчи овоз ҳуқуқи назарда тутилади.

9.8. Жамият кўзатув кенгашининг мажлисида баённома юритилади. Кўзатув кенгаши мажлисининг баённомаси мажлис ўтказилганидан сўнг ун кундан кечиктирмай кўзатув кенгашининг қотиби тузади. Мажлис баённомасида қўйидагилар кўрсатилади:

мажлис ўтказилган сана, вақт ва жой;

мажлисида хозир бўлган шахслар;
мажлисининг кун тартиби;
овоз беришга қўйилган масалалар, улар юзасидан ўтказилган овоз бериш
яқунлари;

қабул қилинган қарорлар.

Жамият қўзатув кенгаши мажлисининг баённомаси мажлисида иштирок
этаётган жамият қўзатув кенгаши аъзолари томонидан имзоланади, улар мажлис
баённомаси тўғри расмийлаштирилиши учун жавобгар бўлади. Жамият қўзатув
кенгашининг қарорлари сиртдан овоз бериш йўли билан (суров йўли билан) жамият
қўзатув кенгашининг барча аъзолари томонидан бир овоздан қабул қилиниши
мумкин. Жамият қўзатув кенгаши мажлисининг баённомаси имзоланган кун
жамиятнинг ижроия органига ижро этиш учун топширилади. Қўзатув кенгаши
акциядорларнинг умумий йиғилишини чақиритиш тўғрисида қарор қабул қилган
тақдирда мазкур қарор ҳақидаги ахборот жамиятнинг ижроия органига қўзатув
кенгашининг мажлиси ўтказиладиган кун топширилади.

Х. Жамиятнинг ижроия органи - бошқарув раиси

10.1. Жамиятнинг кундалик фаолиятига раҳбарлик қилиш ваколати
жамиятнинг уставда белгиланадиган раис томонидан амалга оширилади. Жамият
ижроия органи акциядорлар умумий йиғилиши ва қўзатув кенгашининг қарорлари
бажарилишини ташкил этади. Ҳуқуқ фаолиятида Ўзбекистон Республикасининг
"Акциядорлик жамиятлари ва акциядорларнинг ҳуқуқларини ҳимоя қилиш
тўғрисида"ги Қонунга, мазкур уставга ҳамда жамиятнинг "Жамият ижроия органи
тўғрисида"ги Низомига таянган ҳолда фаолият юритади.

10.2. Жамият ижроия органининг ваколатига жамиятнинг кундалик
фаолиятига раҳбарлик қилишга дойр барча масалалар киради, акциядорлар умумий
йиғилишининг ёки жамият қўзатув кенгашининг ваколат доирасига киритилган
масалалар бундан мустасно. Жамиятнинг бошқарув раиси жамият номидан
ишончномасиз иш юритади, шу жумладан унинг манфаатларини ифода қилади, жамият
номидан битимлар тузади, жамиятнинг филиали ёки ваколатхонаси раҳбарини
тайинлайди, штатларни тасдиқлайди, жамиятнинг барча ходимлари бажариши
мажбурий бўлган буйруқлар чиқаради ва кўрсатмалар беради.

10.3. Жамиятнинг ижроия органларини тузиш ҳамда уларнинг ваколатларини
муддатидан илгари тугатиш, қўзатув кенгашининг ваколат доирасига киритилган.

10.4. Жамият раисининг ҳуқуқ ва мажбуриятлари тегишинча "Акциядорлик
жамиятлари ва акциядорларнинг ҳуқуқларини ҳимоя қилиш тўғрисида"ги Ўзбекистон
Республикаси Қонуни ва бошқа қонун ҳужжатларида, жамият уставда ҳамда унинг
жамият билан бир йил муддатга тузадиган шартномада белгиланиб, шартноманинг
амал қилиш муддатини ўзайтириш ёки уни бекор қилиш мумкинлиги тўғрисида ҳар
йили қарор қабул қилинади. Шартнома жамият номидан жамият қўзатув кенгашининг
раиси ёки қўзатув кенгаши ваколат берган шахс томонидан имзоланади. Жамият
раиси билан тузиладиган шартномада унинг жамият фаолияти самарадорлигини
ошириш бўйича мажбуриятлари ҳамда жамиятнинг йиллик бизнес-режасини бажариш
қандай бораётганлиги юзасидан акциядорларнинг умумий йиғилиши ва жамият
қўзатув кенгаши олдида берадиган ҳисоботларининг даврийлиги назарда тутилиши
керак.

10.5. Мазкур уставга асосан бошқарув раиси:

- акциядорлик жамият номидан ишончномасиз фаолият юритиш, бошқа
ташкилот ва органлар билан алоқада унинг манфаатларини ифода қилади;

- ўз ваколати чегарасида мол-мулк, пул маблағларини тасарруф этиш;



- битимлар ва шартномалар, шу билан бирга меҳнат шартномасидини тузиш, бекор қилиш;
- ишончномалар бериш;
- банкларда ҳисоб ва бошқа рақамлар очиш;
- ўзига буйсинувчи барча ходимларга мажбурий бўлган шартнома кўрсатмалар қабул қилиш;
- ходимлар штатини тасдиқлаш, уни тўлдириш;
- жамиятнинг бошқарув ва ишлаб чиқариш ходимлар сонини, жамият ходимларининг иш ҳақи фондиди, иш ҳақи миқдорини аниқлаш;
- кўзатув кенгашига филиал бошқарувчиси, корпоратив маслаҳатчи, жамият ички аудитор хизмати аудиторлари лавозимига номзодларни, ҳамда ташқи аудиторлик ташкилотини куриб чиқиш учун таклифлар киритиш, улар билан меҳнат шартномаларини (битимларини) тузиш ва бекор қилиш;
- ички меъёрий, локал ҳужжатларни ўз ваколати доирасига кирувчи жамият ҳужжатларини тасдиқлаш;
- Ўзбекистон Республикаси қонунчилигига асосан бошқа ҳуқуқларга эга:
- 10.6. Мазкур уставга асосан бошқарув раиси қуйидаги мажбуриятларга эга:
 - лавозим мажбуриятларини бажаришда Ўзбекистон Республикаси қонунчилигига, уставга, жамият ички меъёрларига ва локал ҳужжатларга, жамият билан тузилган меҳнат шартномасига таянган ҳолда фаолият олиб боради;
 - жамият акциядорлар умумий йиғилиши ва кўзатув кенгаши қарорларини бажаришни ташкиллаштириш;
 - акциядорлар умумий йиғилишига белгиланган муддатларда жамият молиявий-ҳўжалик фаолияти бўйича йиллик ҳисобот ва жорий йилда жамиятнинг йиллик бизнес-режасини бажариш бўйича ҳисоботларни тақдим этиш;
 - жамият кўзатув кенгашига жамият молиявий-ҳўжалик фаолияти бўйича чоракли ҳисоботларни, жамиятнинг йиллик бизнес-режасини бажариш бўйича ҳисобот, ҳамда кўзатув кенгаши ваколатига тегишли масалалар ҳолати бўйича ҳисобот бериш;
 - жамият молиявий-ҳўжалик фаолиятига тегишли ҳужжатларни жамият кўзатув кенгаши, тафтишчи ва аудитори талабига биноан тақдим этиш;
 - акциядорларнинг амалдаги қонунларда назарда тутилган маълумотларни олиш, акциядорлар умумий йиғилишида қатнашиш, дивидендларни ҳисоблаш ва олиш ҳуқуқларига риоя этилишини таъминлаш;
 - жамиятнинг жорий фаолиятига раҳбарлик қилиш, жамиятнинг барча бўлимлари, цехлари ва таркибий бўлинмаларининг иш самарадорлигини оширишни таъминлаш;
 - жамият фаолиятида қонунчилик талабларига риоя қилишни таъминлаш;
 - жамият ижроия органининг мажлисларини ўтказишни ташкиллаштириш ва уларга раислик қилиш;
 - жамиятнинг келгуси мавсумда жамият ривожланишининг бизнес-режасини ишлаб чиқишга раҳбарлик қилиш, жамиятнинг тасдиқланган жорий бизнес-режасини бажаришни ташкиллаштириш ва назорат қилиш;
 - жамият томонидан ишлаб чиқаришни ривожлантириш ва ижтимоий соҳани ривожлантиришга етарли даражада фойда олинишини таъминлаш;
 - жамият томонидан шартнома юзасидан олинган мажбуриятларни бажарилишини таъминлаш;
 - жамиятда бухгалтерия ҳисоби ва статистик ҳисоботларнинг аниқлилигини ва тегишли равишдаги ҳолатини ташкиллаштириш, тегишли органларга давлат статистик ҳисоботларни, ҳамда акциядорларга, кредиторларга ва бошқа маълумот олувчиларга жамият фаолияти туғрисидаги ахборотларни ўз вақтида



топширишни таъминлаш:

- жамоа шартномасини тузишда иш берувчи музокараларда ижроия орган аъзоларининг иштирок этишини таъминлаш;

- жамоа шартномаси мажбуриятлари ва коидаларига риоя қилинишни таъминлаш;

- жамиятда меҳнатни химоя қилиш меъёрлари, техник ва технологик интизомга риоя қилинишини таъминлаш;

- жамиятнинг технологик ускуналари ва бошқа активларидан тўғри фойдаланиш ва уларнинг бутлигини таъминлаш;

- жамиятни малакали кадрлар билан таъминлаш, жамият ходимларининг билимлари, малакалари, тажрибалари ва қобилиятларидан аъло даражада фойдаланиш бўйича чора - тадбирлар кўриш;

- жамиятнинг тижорат сирларини ташкил этувчи ахборотларни сақлаш ва жамият ходимлари томонидан сақланишини таъминлаш;

- узок муддатли хизмат сафарлари ва таътил вақтларидан фойдаланишни кузатув кенгаши билан келишиш. Кузатув кенгашига ўзи йўқлигида унинг вазифасини бажарувчи ҳақида хабар бериш.

• 10.7. Жамиятнинг бошқарув раисига туланидиган ҳақ миқдори, жамият фаолиятининг самарадорлигига тўғридан-тўғри боғлиқ бўлади ва шартномада белгиланган бўлиши керак. Жамиятнинг бошқарув раиси вазифаларини бошқа ташкилотларнинг бошқарув органларидаги лавозим билан биргаликда эгаллаб туришга фақат жамият кузатув кенгашининг розилиги билан йўл қўйилади.

10.8. Акциядорларнинг умумий йиғилиши ёки жамият кузатув кенгаши жамият раиси билан тузилган шартномани шартнома шартларини бузган тақдирда тугатишга (бекор қилишга) ҳақли. Жамият кузатув кенгаши жамиятнинг бошқарув раиси билан тузилган шартномани, агар у жамият уставини қўпол тарзда бузса ёки унинг ҳаракатлари (харакатсизлиги) туфайли жамиятга зарар етказилган бўлса, муддатидан илгари тугатиш (бекор қилиш) ҳуқуқига эга.

XI. Тафтишчи

11.1. Жамиятнинг молия-ҳужалик фаолиятини назорат қилиш учун жамият уставига мувофиқ акциядорларнинг умумий йиғилиши томонидан бир йил муддатга тафтишчи сайланади.

11.2. Жамият тафтишчисига қўйиладиган талаблар:

- аудиторлик сертификати;

- олий маълумот, бухгалтерия соҳасида иш стажи.

11.3. Айни бир шахс айни бир жамиятнинг тафтишчиликка кетма-кет уч мартадан ортиқ сайланиши мумкин эмас.

11.4. Жамият тафтишчиси бир вақтнинг ўзида жамият кузатув кенгашининг аъзоси бўлиши, шунингдек айни шу жамиятда меҳнат шартномаси (контракт) бўйича ишлаши мумкин эмас.

11.5. Жамият тафтишчисининг ваколат доираси ва фаолият кўрсатиш тартиби акциядорларнинг умумий йиғилиши томонидан тасдиқланадиган низомда белгиланади.

11.6. Тафтишчи қуйидаги ҳуқуқларга эга:

- ўз хоҳишига кўра, акциядорлар умумий йиғилишининг қарорига кўра, кузатув кенгаши, ёки овоз берувчи акцияларнинг камида 5% эга бўлган акциядор (акциядорлар) талабига кўра йил якунлари, ёки бошқа давр бўйича жамиятнинг молиявий-ҳужалик фаолияти бўйича текширув (тафтиш) ўтказиш;

- қуйидаги ҳолларда кузатув кенгаши, ижроия орган ваколатларини

муддатидан олдин тўғатиш бўйича навбатдан ташқари акциядорлар — умумий йиғилишини чақиришни талаб қилиш:

а) Ўзбекистон Республикаси қонунчилигига, уставга ва маъмурий умумий йиғилиши қарорига риоя этмаслик;

б) жамиятга зарар келтириш ва акциядорларнинг мулкни қўқиб қўриш келтириш, жумладан молиявий-хўжалик фаолиятининг ёмонлашиши; фонднинг ишлаб чиқариш рентабеллигининг камайиши билан боғлиқ ҳолларда;

в) жамиятнинг иктисодий ночор (банкрот)лик юзага келиш аломатлари ва хавфи мавжуд бўлганда, давлат бюджета, бюджетдан ташқари фондлар ва жамият ходимлари иш ҳақини тўлаш бўйича барқарор қарз мавжуд бўлган тақдирда.

- Ўзбекистон Республикаси қонунчилига асосан бошқа ҳолларда.

Мажбур:

- уз мажбуриятларини бажаришда Ўзбекистон Республикаси қонунлари, жамият устави, ички меъёрий ҳужжатлари ва локал ҳужжатларига таянган ҳолда фаолият олиб бориши;

- текширилаётган давр учун жамият молиявий-хўжалик фаолияти ақунлари бўйича, ўзида қуйидагиларни мужассам этган ҳисоботларни бериш:

а) жамиятнинг ҳисоботларида ва бошқа молиявий ҳужжатларида қўрсатилган маълумотларнинг ишончлилигига дойр баҳо;

б) бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек молия-хўжалик фаолияти амалга оширилаётганда қонун ҳужжатлари бузилганлиги фактлари тўғрисидаги ахборот;

в) жамиятнинг айрим цех ва бўлимлари молиявий-хўжалик фаолиятининг зарар келтираётганлиги, норентабеллиги тўғрисидаги маълумот;

г) ҳисобланаётган маҳсулот бўйича алоҳида қисмлар ва маъмурий харажатлар сметасидаги ортикча харажатлар тўғрисидаги маълумотлар;

- акциядорлар умумий йиғилишига молиявий-хўжалик фаолият юритилишининг тўғрилиги ва бухгалтерия балансида, молиявий натижалар тўғрисидаги ҳисоботда келтирилган ахборотларнинг аниқчилиги тўғрисидаги ҳисоботни тақдим қилиши;

Ўзбекистон Республикаси қонунчилигига асосан бошқа мажбуриятлар.

ХII. Жамиятнинг ички аудит хизмати.

12.1. Активларининг баланс қиймати энг кам иш ҳақи миқдорининг юз минг баробаридан кўп бўлган жамиятда ички аудит хизмати ташкил этилади. Ички аудит хизмати жамиятнинг кўзатув кенгашига ҳисобдор;

12.2. Жамиятнинг ички аудит хизмати жамиятнинг ижроия органи, филиаллари ва ваколатхоналари томонидан қонун ҳужжатларига, жамият уставига ва бошқа ҳужжатларга риоя этилишини, бухгалтерия ҳисобида ва молиявий ҳисоботларда маълумотларнинг тўлиқ ҳамда ишончли тарзда аниқ этирилиши таъминланишини, хўжалик операцияларини амалга оширишининг белгиланган қоидалари ва тартиб-таомилларига риоя этилишини, активларнинг сақланишини, шунингдек жамиятни бошқариш юзасидан қонун ҳужжатларида белгиланган талабларга риоя этилишини текшириш ҳамда мониторинг олиб бориш орқали жамиятнинг ижроия органи, филиаллари ва ваколатхоналари ишини назорат қилади ҳамда баҳолайди:

12.3. Жамиятнинг ички аудит хизмати ўз фаолиятини, агар қонунда белгиланган тартибда назарда тутилмаган бўлса, Ўзбекистон Республикаси Вазирлар Маъжлибидан белгиланадиган тартибга мувофиқ амалга оширади;



XIII. Аудиторлик ташкилоти

13.1. Аудиторлик ташкилоти жамият билан тузилган шартномага мувофиқ қонун ҳужжатларида белгиланган тартибда жамият молия-хужалик фаолиятининг текширилишини амалга оширади ва унга аудиторлик хулосасини тақдим этади;

13.2. Аудиторлик ташкилоти жамиятнинг молиявий ҳисоботи ва молияга дойр бошқа ахборот ҳақидаги нотўғри хулосани ўз ичига олган аудиторлик хулосаси тузилганлиги оқибатида етказилган зарар учун жамият олдида жавобгар бўлади.

XIV. Яқуний қондалар.

14.1. Устав бўйича келиб чиқадиган барча низо ва келишмовчиликлар акциядорларнинг ўзаро келишуви йули билан амалдаги қонун ҳужжатлари ва ушбу уставга асосан ҳал қилинади.

14.2. Низо ва келишмовчиликларни музокаралар йули билан ҳал қилиш имконияти бўлмаган тақдирда улар тегишли равишда суд орқали ҳал қилинади.

14.3. Мазкур Устав Ўзбекистон Республикасининг қонун ҳужжатларида белгиланган тартибда давлат руйхатига олинган вақтдан бошлаб қучга қиради.

14.4. Мазкур уставда кўрсатилмаган жамият фаолиятига тегишли бўлган масалалар Ўзбекистон Республикаси “Акциядорлик жамиятлари ва акциядорлар ҳуқуқларини ҳимоя қилиш тўғрисида”ги Қонун ва бошқа норматив-ҳуқуқий ҳужжатларига мувофиқ ҳал қилинади.

“Juma elevator”
Бўшқарувиди



Ш.Д.Пулатов